

# Партийн бүрдэмджин болн политическ цаалгъврин кӧдлмш Черноземельск районд

## Эклиц парторганизацин нилчинь ӧӧдлӧлхмн

Черноземельск района Нарна худг селән Хар газрин малчирт болхла чинрнь йирик. Энүн деер Хар газрин управлень, метеостанц бӕәнә. Эрүл-менд харлгън, гуулгәнә кӧдлмш энүнәс тархагддж кегднә. Күч-кӧлсчирин депутатирин поселкин Советд ирдж мал үвлзүллгънд йовх олн-амтн бийсиннь туск кесг төрән таслицхана.

Эн учрар Нарн худгин территорияльн эклиц партийн организац деер ик олн-зүсн төртусна. Партийн организац болн цуг коммунистнр сӕәнәр кӧдлдж, шунмгъа кевәр бийстән даалгъсн кергән күцӕхлә мал үвлзүллгънә кӧдлмшт, энүнд йовх улст ик тус, дӧнъ-дамджг болхмн.

Одахн шидр болсн эклиц партийн организацин тооцана болн сунъгъврин хург суулин цагт партийн кӧдлмш урдкасн невчкясрсинь үзүлв. Тооцана цагин эргид партийн хург 14 дакдж цуглрдж 30-гар төрмүд тӕвдж күүндвр кедж. [Коммунистнр

олн-дунд политическ цаалгъврин болн культурн кӧдлмш делгруллгънд оньган сӕәнәр тӕвцхәнә. 40-гар лекцс болн докладс умшдж ӧггдв. Агитатормуд кӧдлмш кедж йовна. Нарна худгин культурин Герин бригад джилин эргид 12 концерт амтнд үзүлв.

Тооцана доклад кесн эклиц парторганизацин сеглӕтр үр Копашев болн босдж үг келцхӕсн коммунистнр Прокудин, Амирова, Шурлыгин болн нань чигн улс партийн кӧдлмшт бӕӕх тодрха дуту-дундиг бас заацхав.

Эклиц парторганизацин коммунистнрин политическ сургъулин туск кергт оньган багъар ӧгч, профсоюзн кӧдлмшиг сулар гарддж йовдж. Тиигад чигн поселкл бӕӕх профсоюзн эклиц гурвн организацин негнь чигн сӕәнәр кӧдлмшӕн кеджӕхш. Профсоюзн хургуд хаяхая цуглрна, взнос цаглагъан цуглулдж авгдхш. Профсоюзин зӕрм член улс 4—5 сард взносан ӧггг, хургт ир-

цхӕлго бӕӕдгнь илдкгдв. Профсоюзн организацин местком болгън эрсин газет гаргъх болдж шийдгдсн, джилин эргид зуг 5-д номер гаргъдж.

Нарна худгт ода күртл радио, электричеств, телефон уга. Эклиц парторганизацин болн күч-кӧлсчирин депутатирин поселкин Советэн төриг арднь ордж, шамддж күцӕхӕр седсн юмн уга.

Рабкоопин (ахлачнь үр Супрунов) кӧдлмшт ик дуту-дунд бӕӕхиг коммунистнр илдкдж келцхӕв. Гуулгӕнд шикр-балта, давсн, хустг, тӕмк, керосин саамдан кесгтӕн уга болна, болгъдж хулдг ӧдмгнь му гидж заацхав.

Ода Хар газруп үвлзӕнӕгд мал туугддж йовх цагт Нарна худгт бӕӕх организац цаньго сӕәнәр кӧдлдж, малчнриг тосх зӧвтӕ. Эн тускар тодрха төрмүд заадж коммунистнр тооцана докладар шийдвр авб.

В. ХАДЕЕВ,

КПСС-н райкомин сеглӕтр.